

## UGOVOR O POSLOVNOJ SARADNJI

Zaključen dana 26.01. 2017. godine između: naručioca djela J.P. "TELEVIZIJA KANTONA SARAJEVO" d.o.o. sa sjedištem u Sarajevu, ulica Bulevar Meše Selimovića broj 12, kojeg zastupa mr. sc. Elvir Resić, Direktor (u dalem tekstu: **Naručilac**)

i

„FIN PROFI“ d.o.o. Sarajevo, ulica Ramiza Salčina broj 286 (u daljem tekstu: **Izvršilac posla**), koga zastupa mr.sc. Admir Salkić, Direktor društva

### Član 1.

Naručilac naručuje, a izvršilac se obavezuje da će za naručioca izvršiti slijedeće poslove:

1. Izvršiti kontrolu i analizu rashoda evidentiranih u glavnoj knjizi u 2007, 2008, 2009, 2010, 2011 i 2012 godini, te za period od 01.01. do 31.03. 2013 koji se odnose na:
  - a) plaćanja biznis karticom kojom je raspolagao tadašnji direktor i utvrđene iznose povezati sa vrstom rashoda na koje se plaćanje odnosi (dnevnice putne, troškovi prijevoza na službenom putu, troškovi smještaja na službenom putu, te troškovi reprezentacije);
  - b) metodom značajnosti, posebno identifikovanih rashoda reprezentacije i PR aktivnosti koji su plaćeni žiralno ili gotovinski za period od 2007 godine do 31.03.2013 godine;
  - c) sa aspekta poreznih i drugih propisa utvrditi validnost knjigovodstvenih isprava i druge dokumentacije na osnovu koje su vršene isplate i evidentiranje naprijed navedenih rashoda;
  - d) predložiti način otklanjanja eventualno utvrđenih manjkavosti vs.poreznih propisa.

### Član 2.

Naručilac se obavezuje da će izvršiocu posla dostaviti slijedeću evidenciju i dokumentaciju:

1. Bruto bilanse za navedeni period (za sve navedene godine u članu 1 tačka 1 ovog ugovora);
2. Glavnu knjigu, odnosno analitičke kartice rashoda koji će biti predmet analize i kontrole koji su navedeni u članu 1 tačka 1 alineje a), b) i c) ovog ugovora;
3. Naloge za knjiženje na osnovu kojih je izvršen unos podataka u glavnu knjigu;
4. Interna akta Društva (Pravilnik o radu, o plaćama i naknada, statut i dr), i
5. Svu dokumentaciju koja je bila osnov za knjiženje naprijed navedenih rashoda.

### Član 3.

Naručilac posla se obavezuje da će izvršiocu posla isplatiti naknadu u iznosu od 5.750,00 KM (plus PDV ) u slijedećim ratama:

1. Avans po zaključenju ugovora u iznosu od 2.800.00 KM plus PDV
2. Ostatak iznosa od 2.950,00 KM po predaji posla plus PDV.

#### Član 4.

Pitanja koja nisu riješena ovim ugovorom smatraju se uređenim u skladu sa opštim pravilima Zakona o obligacionim odnosima.

#### Član 5.

Sve eventualne sporove iz ovog ugovora stranke će pokušati da najprije riješe na prijateljski način.

Spor koji ne bude riješen na prijateljski način ni u roku od 15 (petnaest) dana od kada to jedna strana zatraži pismeno, uključujući i faks, može se iznijeti pred stvarno nadležni sud u Sarajevu.

#### Član 6.

Ovaj ugovor sačinjen je u tri istovjetna primjerka od kojih jedan primjerak zadržava Izvršilac, a dva primjerka zadržava Naručilac.



01-330/17  
30. 01. 2017 g.

**Za Izvršioca**

\_\_\_\_\_  
**Direktor,**

